

Date – 17/03/2026
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Ni 17 awh Mizoram Legislative Assembly Session Budget Session chu nimin khan tiamchin awm lovin Speaker Pu Lalbiakzama'n in a titawp.
2. India Metereological Department, Aizawl Director Pu Sudhir Kumar Dwivedi chuan ni 3 chhung Mizoram hmun thenkhatah ruah a sur chhonzawm dawn tih a sawi.
3. Assam,Kerelam leh Puducherry Assembly inthlan atan nomination thehluhna hun hawn tan a ni
4. Delhi-a Patiala House Court-a Special NIA Court chuan protected area Mizoram rawn tlawhtu ramdangmi pasarihte chu ni 11 a hreng.

<><><>

SESSION ADJOURNED SINE DIE

Ni 17 awh Mizoram Legislative Assembly Session Budget Session chu nimin khan tiamchin awm lovin Speaker Pu Lalbiakzama'n in a titawp.

Speaker Pu Lalbiakzama kaihhruaia ni 17 awh Assembly Budget Session ah hian, star question 1248 lut zingah zawhna 1231 pawm a ni a, House ah zawhna 300 chhan tura chhawp chhuah niin zawhna 27 hi Member ten an withdraw a ni. Unstarred question ah zawhna 396 lutin zawhna 376 admit a ni.

House dawhkanah report 7 dah niin official Resolution pahnih leh Private Member Resolution 110 House ah a lut a, Member 10 in an dil angin Resolution 20 chu withdraw a ni a, Official Resolution ah Education Minister Dr Vanlalhlana Resolution put luh '8th Schedule to the Constitution of India' ah Mizo tawng telh tura hmalak ni rawh se' tih chu passed a ni a, Private Member Resolution 3 sawiho niin Lawngtlai West bialtu MLA Pu C. Ngunlianchunga Resolution 'Mizo ten hmeichhia tiha kan koh thin hi mi nu tia thlak ni rawh se ti rawh se' tih chu hnawl a ni a, MLA Pu Ginzalala Resolution 'ZPM sawrkarin Mizoram tana a hnathawhte hi lawmawm kan ti' tih leh Dampa bialtu MLA dr R. Lalthangliana resolution 'Indian Airforce in Lengpui ram an lei dan chunchangah dan bawhchhiatna nasa tak leh corruption a awm ngei nia lang hi Mizoram duhdan ang ngeiin CBI an chhui chhuah ngei theih nan Mizoram sawrkarin hma la rawh se' tih chu House in lungrual takin a adopt a ni.

Speaker sawi danin House ah hian lehkha pawimawh 30 pharh a ni a, Government bill 10 lutin a vaiin passed vek a ni a, motion 3 put luh a ni.

Speaker Pu Lalbiakzama chuan House chhungah ngaihdan inanglo deuhah indawh tawna a awm chu lawmawm atih thu a sawi a, a Mizo zia hle tih sawiin India rama house chhunga awmdan mawi tia hriat an nih chu chhunzawm zel turin member te a sawm a, hemi hnu hian House thutkhawm chu tiamchin awm lovin a ti tawp a ni.

<><><>

CM

Chief Minister Pu Lalduhoman Mizoram Universal Healthcare Scheme (MUHCS) 2 point 0 a tlangzarh a, MUHCS 2.0 ah hian empanelled hospital ni loa in-refer dan chu khauh zawka kalpui a ni tawh ang a ti.

Nimin khan Assembly Annexe Conference Hall-ah MUCHS 2.0 hi Chief Minister hian a tlangzarh a, hemi rual hian MUCHS 2.0 leh MUHCS chungchanga hriatchian duh neite leh harsatna thlenna tur dedicated call centre 'MUHCS Chhàwntu' a tlangzarh nghal a ni.

Chief minister Pu Lalduhoma chuan sorkar kumthar lo awm turah MUHCS 2.0 atan hian cheng vbc 130 dah a nih thu a sawi a; MUHCS 2.0 ah hian empanelled hospital ni loa in-refer dan chu khauh zawka kalpui a nih tawh dawn thu sawiin, in refer hi MUSHC 1.0-ah hman sual a nih nasat avangin MUHCS 2.0-ah chuan ICU-a admit nghal ngai damlote, nunna chhan nana zai nghal ngai leh accident avanga zai nghal ngaite chauh refer theih an nih tawh dawn a ti.

Mizoram chhunga private damdawi-in zinga tun dinhmuna MUHCS la zawm ve lote pawhin MUHCS an zawm ve ngei theih nan sorkar chuan indawrna a la kalpui chhunzawm zel tih sawiin Chief Minister chuan, rate thu-hlaah inremna a awm theih nan heng private damdawi-inte hi propose package rate siam tura tih a nih thu a sawi a; private damdawi-inte chu MUHCS 2.0-ah hian mipui tan ti a sorkar thawhpui theuh turin a sawm nghal bawk.

Mizoram State Healthcare Society-in an tarlan danin, MUHCS hnuaiah hian nimin thlengin bill atan cheng vbc 157 point 61 a pechhuak tawh a, AB PM-JAY golden card hmangtute tan cheng vbc 56 point 82 pek a ni tawh a ni.

<><><>

WEATHER UPDATE

India Metereological Department, Aizawl Director Pu Sudhir Kumar Dwivedi chuan ni 3 chhung Mizoram hmun thenkhatah ruah a sur chhunzawm dawn tih a sawi.

Pu Sudhir Kumar Dwivedi chuan tun hnaia ruahsur chu District thenkhatah a sur chhunzawm zel dawn tih sawiin ruahsur bakah thli thaw leh rial tla awm thei a ni a ni a, Mamit, Kolasib leh Aizawl District ah te ruah hi a tam tura rin ani tih a sawi.

Director chuan mipuite fimkhur tura chahin pawn chhuak tam lo turin a chah a, sawrkar thuchhuak ngaichang tur leh chhiatna thleng thei laka inveng reng turin a chah a ni.

<><><>

SESSION-AR

Chief Minister Pu Lalduhoman Assam Rifles-in Zokhawsanga an ram luah chu kum 99 chhung atan land lease pek a nih thu a sawi a; land lease chu pek an nih anga hman anih loh chuan sorkarin a laklet theih thu a sawi.

Nimina Assembly session-ah zawhna chhangin Chief Minister chuan, Assam Rifles-in Zokhawsanga an ram luah chu land lease-ah kum 99 atan pek a ni a, a hma pawh khan chutianga kal chu a nih thu sawiin, land lease reng reng chu a hmanna tur atana hman chhung atana pek an ni a, thil dangah an hmang thiang lo a, an hralh thiang lo a, pek chhan ang khan an hman loh chuan sorkar khan a nei let leh thei, a ti.

Assam Rifles-te hi chhiah àwl an nih thu sawiin Chief Minister chuan, Zokhawsanga AR te leh an awmna bula ram neitute inkara harsatna awm thin chungchangah inbiakremna a awm tawh a ti bawk a; Assam Rifles te leh Mizoram sorkar inremna chu record an dah lem lo tih a sawi.

<><><>

HEALTH MINISTER

Health & Family Welfare Minister Pi Lalrinpuii chuan kar kalta Inrinnia a bial Lunglei East chhunga nau chung a thihna a thleng chu pawl a tih thu a sawi a; thil thlen dan chhui chiang turin preliminary investigation an zawh tawh thu leh magisterial inquiry ti turin an buaipui mek a ti.

Pi Lalrinpuii hian nimina Mizoram Universal Healthcare Scheme 2.0 tlangzarhna inkhawma thu a sawinaah sorkar damdawiinte tichangtlung tur leh thawktute indaihlohnate tiziaawm tura theihtawp an chhuah mek lain a bial chhungah damdawi inenkawlna hmuh mai loh avang leh chhan dang dang avanga nau chung a thihna a thleng chu pawl a tih thu leh a rilru a nat thu a sawi a ni.

Indian Constitution Article 21-ah chuan mimal nunna humhalha vawnhim hna hi sorkar kutah a awm a, chumi thawktu sorkar hnathawk - Civil Hospital Lungleia thawktuten khum a awm lo tia mi chanhai tak an lo hnar mai chuan a rilru a ti hle tih sawiin Health Minister chuan, tanpui ngai tanpui thei loa a department-te an awm chu lungehhiat thlak a tih thu a sawi bawk.

He thil thleng hi Medical Council of India-in Code of Medical Ethics a tihchhuah item 13-na pawh a kalh tlat tih sawiin Health Minister chuan, he thil thleng hi dan anga chhui a ni a, preliminary investigation a zo tawh a, tunah hian magisterial inquiry lak a nih leh dan tur buaipui mek a ni, a ti.

MHIP Sub.Hqtrs.Lunglei chuan kar kalta March ni 12-a Pi F. Lallawmkimi thih dan chu vanduaithlak an tih thu leh an chhungte an tuarpui takzet tih an sawi. Sorkar damdawiin berin hetiang buaipui thei lova, Private Hospital lam a an lo tir khawtlai chu mak an tih thu sawiin thawktute inenfiah a ngai hle an ti a. Miin khawlaia Nau a cheh tawh anih chuan khum ruak awm leh awm lovah buai lova, nante leh a nu nunna chhan ngei tur a theihtawp chhuah chu an tihmakmawhah an ngai a, an duty an ngaihthah chu Pi F. Lallawmkimi boral chhan ni ngeiah an ngai an ti.

Lunglei Dist Congress Comtt (LDCC) pawhin he thihna hi pawl an tiin mawhphutu te an dem takzet tih an tarlang a, hetihruah hian he thihna hian thil tha zawk thlen sela, Sorkar damdawiin leh Sorkar pisa dangah hnatahwktu te tan hmanraw tha pek a tulzia a ti lang a, tumahin tawrh belh zui lovin health Minister Pi Lalrinpuii hian a bial chhung a thil thleng anih angin mawhah la ngam sela, zangnadawmna an hmuh theih nan hmalak sak se an ti a ni. Congress sorkar laia Zobawk-a PHC leh Medical Quarter an sak zawh vek tawh te chu tuaihnumin nauneihna tlakah ZPM sorkar chuan siam se an tih thu an sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

ELECTION

Assam, Kerelam leh Puducherry Assembly inthlan atan nomination thehluhna hun hawn tan a ni a. Nimin khan heng state leh UT-a Assembly inthlan hriattirna hi tihchhuah a ni a. Assam, Kerelam leh Puducherry ah te hian April ni 9 ah vote thlak a ni dawn a. May ni 4 ah vote chhiar a ni ang.

Nimin vek khan BJP chuan West Bengal leh Kerelam-a an party candidate turte a thawhkhat nan an puang a. West Bengal-ah hian Assembly Leader of Opposition Suwendu Adhikari chu Nandigram leh Bhabanipur ah a ding dawn a. Kerelam ah hian Union Minister George Kurian chu Kanjirappally ah a ding ang a. Kerelam State BJP President leh Union Minister hlui Rajeev Chandrasekhar chu Nemom ah a ding bawh ang.

Kerelam ah hian CPM leh LDF te pawhin an candidate thawhkhatna an ti chhuak a. Chief Minister Pinarayi Vijayan leh State Finance Minister K N Balagopal te pawh list tihchhuahah hian an tel a ni.

<><><>

NIA

Delhi-a Patiala House Court-a Special NIA Court chuan protected area Mizoram rawn tlawhtu ramdangmi pasarihte chu ni 11 a hreng. Heng ramdangmi pasarih te hi Ukraine mi pathum Delhi-a mante, Lucknow- ah Ukraine mi tho midang pathum mante leh US mi pakhat Kolkatta mante an ni a. Additional Sessions Judge Prashant Sharma chuan an thubuai hi a ngaihtuah mek a ni. NIA chuan an thubuai chhui chhunzawm a duh avangin ni 15 dang hren chhunzawm a dil a. NIA sawidanin heng foreigner te hian visa hmangin India an lo lut a, hemi hnu hian protected area Mizoram tlawh lehin heta tang hian Myanmar an lut a. Myanmarah hian tualchhung buaina thleng mekah hnam hrang hrang ralthuam keng sipai hruaitute an hmu niin NIA chuan an puh a. Hei bakah hian Myanmar-ah hian heng hnam hrang sipaite hi training an pe bawh niin an puh a. Heng hel pawl te hi India ramah pawh thawhpui nei an nih thu a sawi a. Europe atangin India ah drone thahnem tak an kenglut niin an puh bawh a ni.

<><><>